

BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

PRAVILNIK
o plaćama i drugim primanjima
članova Centralne izborne komisije Bosne i Hercegovine
(Prečišćeni tekst)

Sarajevo, septembar 2009. godine

Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07 i 33/09), Centralna izborna komisija Bosne i Hercegovine je na 35. sjednici održanoj 24.09.2009. godine, utvrdila

P R A V I L N I K
o plaćama i drugim primanjima članova
Centralne izborne komisije Bosne i Hercegovine
(Prečišćeni tekst)

POGLAVLJE I. UVODNE NAPOMENE

Član 1.
(Primjena)

(1) Ovim pravilnikom utvrđuje se način obračuna plaća, iznos plaća i druga primanja članova Centralne izborne komisije Bosne i Hercegovine (u daljem tekstu: članovi Centralne izborne komisije BiH).

(2) Pored utvrđenog u stavu (1) ovog člana uključene su i naknade za: novčanu nagradu, članstvo u komisijama, troškove službenog putovanja (dnevnice, troškovi smještaja, izdaci za prevoz, ostali izdaci), odvojeni život, topli obrok, prevoz, godišnji odmor i plaćeno odsustvo, jubilarne nagrade, otpremninu, slučaj smrti, bolovanje, korišćenje hotelskog i privatnog smještaja, za vrijeme produženog radnog statusa, troškove usavršavanja i obrazovanja i učenje stranih jezika.

POGLAVLJE II. PLAĆA I NAČIN OBRAČUNA PLAĆE

Član 2.
(Način utvrđivanja plaća)

(1) Plaća članova Centralne izborne komisije BiH utvrđuje se prema koeficijenta složenosti i odgovornosti poslova.

(2) Koeficijenti za obračun plaće predsjednika i članova Centralne izborne komisije BiH su:

Dužnost	Koeficijent
Predsjednik Centralne izborne komisije BiH	8,40
Član Centralne izborne komisije BiH	8,40

Član 3.
(Struktura plaća)

- (1) Osnovnu plaću predsjednika i članova Centralne izborne komisije BiH čini osnovica za obračun plaće pomnožena sa koeficijentom iz člana 2. ovog pravilnika.
- (2) Osnovica za obračun plaće utvrđuje se Zakonom o plaćama i naknadama u institucijama Bosne i Hercegovine, i odlukom Vijeća ministara Bosne i Hercegovine u skladu sa zakonom.
- (3) Plaća članova Centralne izborne komisije BiH uvećava se za svaku započetu godinu radnog staža za 0,50 %, s tim da ukupno povećanje ne može biti više od 20%.
- (4) Plaća se isplaćuje unazad jedanput mjesečno.

POGLAVLJE III. DRUGA PRIMANJA I NAKNADE

Član 4.
(Novčana nagrada)

- (1) Novčana nagrada je stimulacija koja se može isplaćivati članu Centralne izborne komisije BiH za izvanredne rezultate rada.
- (2) Iznos pojedinačne godišnje stimulacije članu Centralne izborne komisije BiH iz stava (1) ovog člana, može iznositi maksimalno do 20% njegove godišnje osnovne plaće.
- (3) Kriteriji, mjerila učinka i postupak ostvarivanja novčane nagrade će se regulisati posebnom odlukom Centralne izborne komisije BiH u skladu s okvirnim kriterijima utvrđenim podzakonskim aktom Vijeća ministara Bosne i Hercegovine.

Član 5.
(Članstvo u komisijama)

- (1) Član Centralne izborne komisije BiH koji učestvuje u radu komisije osnovane na osnovu zakona, odluke Parlamentarne skupštine Bosne i Hercegovine, Vijeća ministara Bosne i Hercegovine ili nekog drugog organa u Bosni i Hercegovini, za učešće u radu komisije, radne grupe, ekspertnog tima i sl. pripada naknada utvrđena zakonom, odnosno ovim pravilnikom.
- (2) Članu Centralne izborne komisije BiH koji učestvuje u radu komisije i drugim tijelima iz stava (1) ovog člana, naknadu za njegov rad isplaćuje institucija Bosne i Hercegovine u skladu sa odlukom Vijeća ministara BiH.
- (3) Visina naknade utvrđuje se rješenjem o osnivanju komisije i drugog tijela iz stava (1) ovog člana.

Član 6.
(Službena putovanja)

- (1) Službenim putovanjem, u smislu ovog pravilnika, smatra se putovanje u inostranstvo, kao i putovanje na teritoriji Bosne i Hercegovine, na koje se član Centralne izborne komisije BiH upućuje da izvrši službeni zadatak.

(2) Nalog za službeno putovanje iz stava (1) ovog člana izdaje predsjednik Centralne izborne komisije BiH.

Član 7. **(Način obračuna dnevnica u BiH)**

- (1) Jedna dnevnicu obračunava se za svaka 24 sata provedena na službenom putovanju.
- (2) Za službena putovanja koja traju duže od 12 sati obračunava se jedna dnevnicu, a za službeno putovanje koje traje 8 do 12 sati pola dnevnice.
- (3) Pod dnevnicom se, u smislu ovog pravilnika, podrazumijeva naknada troškova za ishranu na službenom putovanju.
- (4) Iznos dnevnice za službeno putovanje na teritoriji Bosne i Hercegovine utvrđuje Vijeće ministara Bosne i Hercegovine posebnom odlukom.

Član 8. **(Način obračuna dnevnica u inostranstvu)**

- (1) Dnevnice određene za inostranstvo obračunavaju se od sata prelaska granice Bosne i Hercegovine, a dnevnice određene za stranu državu iz koje se dolazi do sata prelaska granice Bosne i Hercegovine.
- (2) Ako se za službeno putovanje koristi avion, dnevnicu se obračunava od sata polijetanja avionom sa aerodroma u BiH do sata slijetanja avionom na aerodrom u Bosni i Hercegovini, na kojem je izvršen carinski pregled.
- (3) Ako se službeno putuje u više zemalja, u odlasku se obračunava dnevnicu utvrđena za stranu državu u kojoj se počinje službeno putovanje, a u povratku- dnevnicu utvrđena za stranu državu u kojoj je službeno putovanje završeno.
- (4) Za svako zadržavanje, odnosno proputovanje kroz stranu državu, koje traje duže od 12 sati obračunava se dnevnicu za tu stranu državu.

Član 9. **(Troškovi smještaja)**

- (1) Izdatak za noćenje obračunava se u visini plaćenog hotelskog računa osim hotela iznad «A» kategorije.
- (2) Za službeno putovanje, u skladu s ovim pravilnikom, članovima Centralne izborne komisije BiH, kao i prevodiocu i drugim osobama iz Sekretarijata Centralne izborne komisije BiH, na međunarodnim susretima i skupovima na kojima organizator odnosno domaćin određuje uvjete smještaja - troškovi smještaja obračunavaju se na osnovu računa hotela iznad «A» kategorije.

Član 10. **(Izdaci za prijevoz)**

- (1) Izdaci za prijevoz na službenom putovanju, u skladu s ovim pravilnikom, obračunavaju se u visini cijene iz putničke tarife za prijevoz sredstvom one vrste i razreda koji se mogu upotrebljavati na službenom putovanju prema putnom nalogu.

(2) Pod prijevoznim izdacima podrazumjevaju se i izdaci za lokalni, odnosno gradski saobraćaj – na osnovu priloženih računa, odnosno izdaci za taksi usluge – ukoliko su nalogom odobreni.

(3) Članu Centralne izborne komisije BiH koji za službene potrebe koristi putnički automobil u ličnoj svojini, pripada naknada, u skladu s Odlukom Centralne izborne komisije BiH.

(4) Korištenje automobila u ličnoj svojini u službene svrhe odobrava predsjednik Centralne izborne komisije BiH.

Član 11. (Ostali izdaci)

(1) Pod ostalim izdacima, koji nastaju u vezi sa službenim putovanjem u inostranstvo, podrazumjevaju se izdaci u vezi s pribavljanjem putničkih isprava, vakcinisanjem, ljekarskim pregledima i službenom poštom, te taksama.

(2) Izdaci za pribavljanje putničkih isprava, vakcinisanje i ljekarske preglede, u vezi sa službenim putovanjem u inostranstvo, obračunavaju se u stvarnim iznosima prema priloženim računima.

(3) Na osnovu naloga za službeno putovanje može se uzeti akontacija u visini procjenjenih troškova.

(4) Akontacija se utvrđuje tako što se izdatak za ishranu utvrđuje na osnovicu dnevnice, a izdaci za smještaj, izdaci za prijevoz i ostali izdaci na osnovi procjenjenih troškova.

Član 12. (Izdaci)

(1) Izdaci za troškove na službenom putovanju obuhvataju naknadu za smještaj i ishranu, naknadu troškova prevoza, telefona i telefaksa, stenodaktilografskih usluga i ostalih izdataka koji nastaju u vezi sa službenim putovanjem, a učinjeni su u skladu s ovim pravilnikom.

(2) Pod ostalim izdacima, u skladu sa stavom (1) ovog člana, koji nastaju u vezi sa službenim putovanjem, podrazumjevaju se nepredviđeni troškovi koji su u uskoj vezi sa svrhom službenog putovanja, a koji su neophodni i neizbježni za uspješno obavljanje službenog putovanja i kao takvi učinjeni u dobroj vjeri, rukovodeći se savjesnošću i poštenjem (pažnja dobrog privrednika) da isti obuhvataju najneophodnije troškove koji omogućavaju uspješno obavljanje službenog putovanja.

(3) Nepredviđeni troškovi, su oni koji se nisu mogli predvidjeti i na koje, kao takve, lice na službenom putovanju nije moglo uticati.

(4) Lice koje je na službenom putovanju imalo nepredviđene troškove, dužno je odmah po povratku u zemlju, a najkasnije u roku od sedam dana, obratiti se pismenim zahtjevom predsjedniku Centralne izborne komisije BiH za njihovo priznavanje.

(5) Izdaci koji nastanu korištenjem telefona i telefaksa na službenom putovanju, a neophodni su za obavljanje određenih poslova i zadataka, obračunavaju se na osnovu odgovarajućeg računa.

Član 13. (Obračun putnih troškova)

(1) Izdaci za službeno putovanje priznaju se na osnovu obračunatih putnih troškova koji se u roku od sedam dana, kada je službeno putovanje završeno, podnose u skladu s odredbama ovog pravilnika i uz pisani izvještaj koji je ovjerio predsjednik Centralne izborne komisije BiH.

(2) Uz obračun putnih troškova prilažu se nalozi za službeno putovanje i dokaz o iznosu za upotrebu kola za spavanje ili brodske kabine – ako su na službenom putovanju korištena kola za spavanje ili brodska kabina, odnosno avionska ili brodska karta – ako je korišten avion ili brod, karte za lokalni i gradski prijevoz, pisani dokaz o kursu nacionalne valute ili dokaz o zamjeni valute, hotelski račun, karta za prijevozno sredstvo, kao i drugi dokazi o troškovima koji se pravdaju.

(3) Ako se na službenom putovanju posebno plaća rezervacija mjesta, aerodromska taksa ili prijevoz prtljaga autobusom – uz obračun putnih troškova prilažu se i potvrde o plaćanju tih troškova.

(4) Uz obračun putnih troškova prilažu se i računi o izdacima iz člana 12. ovog pravilnika.

(5) Ako se pisani dokaz o kursu nacionalne valute iz stava (2) ovog člana ne priloži uz dokument, u obračunu putnih troškova primjenjuje se kurs koji utvrdi Centralna banka Bosne i Hercegovine.

Član 14.

(Visina novčane naknade za stranu državu)

(1) Visinu novčane naknade za službena putovanja za svaku stranu državu pojedinačno utvrđuje Vijeće ministara BiH posebnom odlukom.

(2) Ako je na službenom putovanju osigurana ishrana, dnevnicu se ne umanjuje.

Član 15.

(Naknada za odvojeni život)

(1) Članu Centralne izborne komisije BiH, koji živi i radi van mjesta prebivališa njegove porodice koje je udaljeno više od 50 km, pripada naknada za odvojeni život od porodice u iznosu od 400 KM mjesečno.

(2) Članu Centralne izborne komisije BiH iz stava (1) ovog člana, koji nema službeni smještaj, pripada pravo na zakup stana u visini do 500 KM mjesečno.

(3) Član Centralne izborne komisije BiH ima pravo, do četiri puta mjesečno, na upotrebu službenog ili privatnog vozila ili na naknadu troškova prijevoza do mjesta prebivališta njegove porodice odnosno radnog mjesta.

(4) O svakom pojedinačnom zahtjevu za naknade utvrđene ovim članom pravilnika, odlučuje predsjednik Centralne izborne komisije BiH.

Član 16.

(Naknada za topli obrok)

(1) Novčanu naknadu za ishranu tokom rada (topli obrok) utvrđuje Vijeće ministara Bosne i Hercegovine posebnom odlukom.

(2) Članu Centralne izborne komisije BiH ne pripada naknada za ishranu za dane kad je odsutan s posla po osnovu službenog puta, godišnjeg odmora ili bolovanja.

Član 17.
(Naknada troškova prijevoza)

(1) Član Centralne izborne komisije BiH ima pravo na naknadu troškova na posao i s posla u skladu sa odlukom Vijeća ministara Bosne i Hercegovine o visini, načinu i postupku ostvarivanja prava na naknadu za prijevoz na posao i prijevoz s posla u institucijama Bosne i Hercegovine.

(2) Članu Centralne izborne komisije BiH koji koristi službeno vozilo, ne pripada pravo na naknadu troškova prijevoza na posao i prijevoza s posla iz stava (1) ovog člana.

Član 18.
(Naknada za godišnji odmor i plaćeno odsustvo)

(1) Pod plaćenim odsustvom podrazumjeva se odsustvo s rada na osnovu: stupanja u brak, porođaja supruge, stručnog usavršavanja, teže bolesti ili smrti člana užeg kućanstva, preseljenja, radi zadovoljavanja vjerskih ili tradicijskih potreba, i u drugim slučajevima koje utvrdi Vijeće ministara Bosne i Hercegovine podzakonskim aktima.

(2) Članom užeg kućanstva u smislu stava (1) ovog člana, smatra se: bračni i vanbračni supružnik, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, očuh, maćeha, usvojilac, djed i baka (po ocu i majci), brat i sestra.

(3) Obračun i isplata naknada iz stava (1) ovog člana vrši se uz mjesečni obračun i isplatu plaća i naknada uposlenih u Sekretarijatu Centralne izborne komisije BiH na osnovu pojedinačnih rješenja o korištenju godišnjeg odmora, odnosno plaćenog odsustva za člana Centralne izborne komisije BiH, koje donosi predsjednik Centralne izborne komisije BiH.

(4) Članu Centralne izborne komisije BiH pripada pravo na regres za godišnji odmor u visini prosječne plaće u Bosni i Hercegovini.

Član 19.
(Jubilarne nagrade)

(1) Član Centralne izborne komisije BiH s deset godina efektivnog radnog staža u institucijama Bosne i Hercegovine, ima pravo na jednokratnu novčanu naknadu na osnovu jubilarnih nagrada u visini jedne prosječne mjesečne neto plaće u Bosni i Hercegovini.

(2) Za svakih narednih navršenih pet godina efektivnog radnog staža u institucijama Bosne i Hercegovine, član Centralne izborne komisije BiH ima pravo na jednokratnu novčanu naknadu na osnovu jubilarnih nagrada u visini 1/2 prosječne mjesečne neto plaće u Bosni i Hercegovini.

(3) Pravo na novčanu naknadu na osnovu jubilarnih nagrada za vrijeme provedeno na radu u institucijama Bosne i Hercegovine iz stava (1) i (2) ovog člana, član Centralne izborne komisije BiH ostvaruje na osnovu rješenja izdatog od predsjednika Centralne izborne komisije BiH.

Član 20.
(Naknada za otpremninu)

Član Centralne izborne komisije BiH ima pravo na otpremninu prilikom odlaska u penziju u visini svojih šest ostvarenih neto plaća, izuzimajući novčanu nagradu, isplaćenih u prethodnih šest mjeseci ili šest prosječnih mjesečnih neto plaća iz prethodne godine u Bosni i Hercegovini, ako je to za njega povoljnije.

Član 21.

(Naknada u slučaju smrti, teške invalidnosti ili bolesti)

(1) U slučaju teške povrede na radu člana Centralne izborne komisije BiH, teške bolesti i invalidnosti člana Centralne izborne komisije BiH ili člana njegove porodice i smrti člana uže porodice člana Centralne izborne komisije BiH isplaćuje se jednokratna novčana pomoć u visini tri prosječne mjesečne neto plaće u Bosni Hercegovini.

(2) Članom uže porodice, u smislu stava (1) ovog člana, smatraju se bračni i vanbračni supružnik, djeca (bračna, vanbračna, usvojena, pastorčad i dijete bez roditelja uzeto na izdržavanje) i roditelji – otac, majka, očuh, maćeha, usvojlac i hranilac.

(3) U slučaju smrti člana Centralne izborne komisije BiH, članu uže porodice pripada pravo na jednokratnu novčanu pomoć u visini šest prosječnih mjesečnih neto plaća.

(4) Pravo na naknade iz stava (1) i (3) ovog člana ostvaruje se po postupku utvrđenom podzakonskim aktima Vijeća ministara Bosne i Hercegovine.

(5) Teškom bolešću smatra se bolest koja se nalazi na listi teških bolesti nadležne entitetske zdravstvene ustanove za ocjenu radne sposobnosti radnika.

(6) Pravo na jednokratnu novčanu pomoć iz stava (3) ovog člana po osnovu jedne teške bolesti može se ostvariti samo jedanput.

(7) Ukoliko član Centralne izborne komisije BiH ili član njegove uže porodice u međuvremenu oboli od druge teške bolesti ili doživi recidiv, kao što je drugi srčani ili moždani udar i slično, ima pravo na jednokratnu novčanu pomoć utvrđenu u stavu (2) ovog člana.

(8) Teška bolest, odnosno invalidnost dokazuje se na osnovu dijagnoze utvrđene od strane ovlaštenog lica zdravstvene struke, odnosno zdravstvene ustanove koja ne smije biti starija od šest mjeseci, te ocjenom medicinske dokumentacije od strane nadležne entitetske zdravstvene ustanove za ocjenu radne sposobnosti radnika.

Član 22.

(Naknada za bolovanje)

(1) Član Centralne izborne komisije BiH ima pravo na naknadu za vrijeme privremene spriječenosti za rad (bolovanje) do 30 dana u visini osnovne neto plaće isplaćene za prethodni mjesec, izuzimajući novčanu nagradu.

(2) Za obračun naknade za vrijeme privremene spriječenosti za rad (bolovanje) preko 30 dana primjenjuju se propisi koji uređuju ovu oblast prema mjestu uplate doprinosa člana Centralne izborne komisije BiH.

Član 23.

(Naknada za upotrebu hotelskog i privatnog smještaja)

(1) Član Centralne izborne komisije BiH koji ne koristi pravo iz član 15. ovog pravilnika, ima pravo na hotelski ili privatni smještaj ako je mjesto njegovog prebivališta udaljeno više od 50 km od mjesta rada dok adekvatno ne rješi pitanje stanovanja, a najduže 15 dana.

(2) Članu Centralne izborne komisije BiH se priznaje račun za hotelski smještaj u hotelu do četiri zvjezdice, uključujući i hotel s četiri zvjezdice do iznosa 100 KM, i to koji je izabran nadmetanjem po pozivu, a ukoliko je koristio kategoriju sa više zvjezdica ili većom cijenom, razliku u cijeni snosi sam član Centralne izborne komisije BiH.

Član 24.

(Naknada za vrijeme produženog radnog statusa)

(1) Član Centralne izborne komisije BiH, nakon prestanka javne dužnosti, ima pravo na naknadu za produženje radnog statusa dok ne stekne radni status kod drugog subjekta, ili ne ispuni uvjete za penziju, a najduže godinu dana počevši od dana prestanka javne dužnosti.

(2) Naknada iz stava (1) ovog člana obuhvaća osnovnu neto plaću sa dodatkom za minuli rad, kao i poreze i doprinose u skladu sa propisima koji reguliraju ovu oblast.

Član 25.

(Naknada troškova za usavršavanje i obrazovanje)

(1) Član Centralne izborne komisije BiH ima pravo na podršku i pomoć u stručnom obrazovanju i profesionalnom usavršavanju.

(2) Ovisno o potrebama Centralne izborne komisije BiH članovi Centralne izborne komisije BiH se mogu uputiti na poseban oblik stručnog usavršavanja u zemlji i inostranstvu, koji su utvrđeni u programu koji donosi Centralne izborne komisije BiH.

(3) Posebni oblici stručnog usavršavanja su:

- a) specijalizacija,
- b) studijski boravak i
- c) postdiplomski studij - magisterij i doktorat znanosti.

(4) Za vrijeme trajanja posebnog oblika stručnog usavršavanja u inostranstvu prava iz radnog odnosa miruju.

Član 26.

(Priznavanje troškova za magistarski rad ili doktorat)

Članu Centralne izborne komisije BiH, koji odbrani magistarski rad ili doktorat znanosti sa temom iz okvira osnovne djelatnosti Centralne izborne komisije BiH, Centralna izborna komisija BiH može priznati ukupne troškove ili dio troškova tehničke obrade i odbrane magistarskog rada ili doktorata.

Član 27.

(Naknada za učenje stranih jezika)

Član Centralne izborne komisije BiH ima pravo na naknadu troškova za učenje stranih jezika u visini cijene kursa.

POGLAVLJE IV. ZAVRŠNE ODREDBE**Član 28.
(Rješenje)**

- (1) Plaća i druga primanja predviđena ovim pravilnikom ostvaruju se donošenjem rješenja.
- (2) Rješenje iz stava (1) ovog člana donosi predsjednik Centralne izborne komisije BiH.

**Član 29.
(Propisi obuhvaćeni ovim Pravilnikom)**

Prečišćeni tekst Pravilnika o plaćama i drugim primanjima članova Centralne izborne komisije Bosne i Hercegovine obuhvata Pravilnik o plaćama i drugim primanjima članova Centralne izborne komisije Bosne i Hercegovine broj: 01-02-2-979/06 od 27.04.2006. godine, ispravku Pravilnika o plaćama i drugim primanjima članova Centralne izborne komisije Bosne i Hercegovine broj: 01-02-2-979-1/06 od 28.04.2006. godine, Pravilnik o dopunama Pravilnika o plaćama i drugim primanjima članova Centralne izborne komisije Bosne i Hercegovine broj: 01-02-2-979-2/06 od 20.12.2006. godine, Pravilnik o izmjenama Pravilnika o plaćama i drugim primanjima članova Centralne izborne komisije Bosne i Hercegovine broj: 01-02-2-979-3/06 od 24.04.2007. godine, Pravilnik o izmjenama i dopunama Pravilnika o plaćama i drugim primanjima članova Centralne izborne komisije Bosne i Hercegovine broj: 07-02-2-2967/09 od 20.08.2009. godine i Odluku o izmjeni Pravilnika o plaćama i drugim primanjima članova Centralne izborne komisije Bosne i Hercegovine broj: 07-02-2-2967-2/09 od 24.09.2009. godine.

Broj: 07-2-02-2-2967/09
Sarajevo, 24.09.2009. godine

Predsjednik

Branko Petrić



BOSNA I HERCEGOVINA
CENTRALNA IZBORNA KOMISIJA
SREDIŠNJE IZBORNO POVJERENSTVO



БОСНА И ХЕРЦЕГОВИНА
ЦЕНТРАЛНА ИЗБОРНА КОМИСИЈА

PRAVILNIK
o izmjenama i dopunama Pravilnika o plaćama i drugim primanjima
članova Centralne izborne komisije Bosne i Hercegovine

Sarajevo, septembar 2013. godine

Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH“, br. 50/07, 33/09 i 24/13), Centralna izborna komisija Bosne i Hercegovine je na 38. sjednici održanoj 05.09.2013. godine, donijela

PRAVILNIK
o izmjenama i dopunama Pravilnika o plaćama i drugim primanjima članova Centralne izborne komisije Bosne i Hercegovine

Član 1.

U Pravilniku o plaćama i drugim primanjima članova Centralne izborne komisije Bosne i Hercegovine (prečišćeni tekst) broj: 07-2-02-2-2967/09 od 24.09.2009. godine i broj: 05-1-02-2-1330-1/11 od 15.12.2011. godine u članu 1. riječi “novčanu nagradu” se brišu.

Član 2.

Član 4. se briše.

Član 3.

U članu 5. stav (2) se mijenja i glasi:

“(2) Članu Centralne izborne komisije BiH koji učestvuje u radu komisije i drugom radnom tijelu iz stava (1) ovog člana, naknadu za njegov rad isplaćuje Centralna izborna komisija BiH kako je riješeno odlukom iz stava (1) ovog člana, u skladu sa okvirnim kriterijima utvrđenim podzakonskim aktom Vijeća ministara Bosne i Hercegovine.”

Član 4.

U članu 14. stav (2) se briše.

Član 5.

U članu 15. u stavu (1) broj “50” zamjenjuju se brojem “80” km i broj “400” zamjenjuje se brojem “300,00”.

U istom članu u stavu (2) riječi „ visini do 500 KM mjesečno“ zamjenjuju se riječima “*mjesečnom iznosu shodno odluci Vijeća ministara Bosne i Hercegovine*”.

Član 6.

U članu 21. u stavu (3) iza riječi “plaća” dodaju se riječi “*u Bosni i Hercegovini*”.

Član 7.

Član 23. se briše.

Ovaj pravilnik stupa na snagu danom donošenja.

Broj: 07-2-02-2-1071-1/13
Sarajevo, 05.09.2013. godine



Gradski jednik

Šaban Mikić



Na osnovu člana 18. Poslovnika Centralne izborne komisije Bosne i Hercegovine („Službeni glasnik BiH“ br. 50/07 i 33/09), Centralna izborna komisija Bosne i Hercegovine je na 69. sjednici, održanoj dana 15.12. 2011. godine, donijela

**Pravilnik
o izmjeni i dopuni Pravilnika o plaćama i drugim primanjima članova Centralne
izborne komisije Bosne i Hercegovine**

Član 1.

U Pravilniku o plaćama i drugim primanjima članova Centralne izborne komisije Bosne i Hercegovine (prečišćeni tekst) broj: 07-2-02-2-2967/09 od 24.09.2009. godine (u daljnjem tekstu: Pravilnik), u članu 5. stav (2) mijenja se i glasi:

“ (2) Članu Centralne izborne komisije BiH koji učestvuje u radu komisije i drugom radnom tijelu iz stava (1) ovog člana Pravilnika, naknadu za njegov rad isplaćuje institucija Bosne i Hercegovine kako je riješeno odlukom institucije iz stava (1) ovog člana Pravilnika, u skladu sa okvirnim kriterijima utvrđenim podzakonskim aktom Vijeća ministara Bosne i Hercegovine.”

U istom članu u stavu (3) Pravilnika na kraju teksta, dodaju se riječi: “ ili posebnim aktom.”

Član 2.

Ovaj Pravilnik stupa na snagu narednog dana od dana donošenja.

Broj: 05-1-02-2-1330-1 /11
Sarajevo, 15.12.2011. godine

Predsjednik

Branko Petrić

